

18+

САИД-СЕЛИМАН КІАНТ ХЪУСАЙН

СЕДАРЧИЙ

ХЪАЛХАРА ДАКЪА



Сайд-Селиман КІант Хьусайн
Седарчий. Хьалхара Дакъа

«Издательские решения»

Хъусайн С.

Седарчий. Хьалхара Дакъа / С. Хъусайн — «Издательские решения»,

ISBN 978-5-00-697182-0

Абу-Бакр Сыддыкъан сийлахь турпал: гиллакхаш, иманан Iамалш, сийлалин дазалш, масалаин хьуьнарш, мехала кхиямаш, дахаран сийлахь леларш, сирлачу седан нур.

ISBN 978-5-00-697182-0

© Хъусайн С.
© Издательские решения

Содержание

СЕДАРЧИЙ	6
ДЕШХЪАЛХЕ	6
абу-бакр сыддийкъ	9
Конец ознакомительного фрагмента.	16

Седарчий Хьалхара Дакъа

Сайд-Селиман КІант Хьусайн

© Сайд-Селиман КІант Хьусайн, 2026

ISBN 978-5-0069-7182-0

Создано в интеллектуальной издательской системе Ridero

СЕДАРЧИЙ

ДЕШХЪАЛХЕ

Бисмиллах1иррохьманиррохьийм

Хастам бу Аллах1ана вайна Къуръан деллачу. Цуьнца вайн дахар серладаьккхинчу. Цуьнца вайна ирс деллачу. Цуьнца дуьне а, эхарт а вайна довзийтинчу. Цуьнца вайх къинхетам бинчу.

Делера салават а, салам а хуьлда Цуьнан Элчанна Мухьаммадна а, цуьнан ох1лана а, асхьабашна а, церан некъа т1ехъ волчу массо бусалбачунна а къематде даллалц.

Сийлахь-йоккхачу стиглахь седарчий ма-лепара, бусулба умматан исторехъ а бу шен «седарчий» – уьш Пайхамаран (саллаллах1у 1алайх1и ва саллам) асхьабаш, таби1ийш а, умматера дика нах а бу. Уьш бу вайна боданехъ некъ гойтуш берш а, ийманан нур латтош берш а.

Аллах1ан Элчано (саллаллах1у 1алайх1и ва саллам) аьлла: **«Сан асхьабаш – седарчий санна бу. Шу царах муьлххачунна а т1аьхьах1оьттинехъ – шу нийсачу некъа т1ехъ хир ду».**

«Стиглар седарчий – боданечу буйсанашна нур луш, некъах тилвелчунна бакъхъара хъажийна лар гойтуш ма-хиллара, Аллах1ан Элчанан (саллаллах1у 1алайх1и ва саллам) асхьабаш а, царна т1аьхьабозуш хилла таби1ийш а, дика нах а – бусулба умматан сирла седарчий бу.

Уьш бу шайн ийманаца а, зух1даца (дуьненан марзонах ларваларца) а вайн дегнаш серладохуш берш. Цъаберш царах – ц1е санна лепаш хилла майраллин седарчий бу, кхиберш – тийна нур луш хилла дикаллин а, нийсонан а седарчий бу.

Хьалха заманахъ, некъахой боданечу буйсанашкахъ тилла а ца туьлуш, шайн нийса некъ стиглара седарчашка хъаьжжина билгалбоьккхуш хилла. Иштта, х1окху дуьненан боданечу некъашкахъ вай тилла ца лаахъ – вай хъежа деза бусулба умматан сирлачу седарчашка: сийлахьчу асхьабашка, таби1ийшка, Аллах1ан дикачу лайшка (са'лихъашка).

«Йоккхачу х1орда т1ехъ йа г1ум-аренашкахъ некъах тилвеллачу некъахочо, шен са тийналле далорхъама а, нийса некъ карорхъама а, стиглара седарчашка хьожуш хилла. Уьш дара цунна боданехъ некъ гойтуш, кхерамечу меттигех ларвеш, йезачу г1алин некъ гойтуш.

Иштта ду х1ара дуьненан дахар а – иза шен кепехъ бодане буйса йа кхераме х1орд санна ду. Нагахъ вай х1окху чолхечу некъашкахъ тилла ца лаахъ, вай хъежа деза стиглара «седарчашка» – Пайхамаран (саллаллах1у 1алайх1и ва саллам) асхьабашка, таби1ийшка а, дикачу нахе (са'лихъашка) а. Уьш бу вайна стиглара седарчий ма-леппара нийсонан а, ийманан а нур луш берш.

Седарчашка хъаьжжина некъахо тилла ца ма-туьлла, оцу дикачу нехан дахаре а, церан г1иллакхе а, Аллах1ах кхераре а хъаьжжина вай вайн г1уллакхаш нисдахъ – вай цкъа а тилла хир дац. Царна т1аьхьах1иттинарш – Аллах1ан реза хиламе а, Элчанан (саллаллах1у 1алайх1и ва саллам) улле а кхочур бу.

Уьш бу вайна АллахІан безаме а, Цуьнан реза хиламе а боьду некъ гойтуш берш. Церан дахар, церан гІиллакх, церан ийман – вайна тахана а сирла нур ду. Муьлххачу а халонгахъ вай хилча а, оцу «седарчашка» хьаьжжина вай вайн гІуллакхаш нисдахъ – вай цкъа а тилла хир дац.

Тахана вайн сийлахьчу нехан (асхьабийн, табиІийш, дикачу нахан) дахар¹ хааран мах а, цуьнан ладаме хилар а инзаре доккха ду – иза деккъа истори Іамор дац, иза адаман синна «кІел-хьарадаккхаран хІордан кема» санна ду. ХІара ду иза тахана вайна оьшуш хиларан бахьанаш:

1-Тиллачу заманахъ нийса хьежам: ХІара зама мехашца кегаелла хІорд санна йу, дика-вон къасто хала долчу хенахъ – оцу сийлахьчу нехан дахар вайна меттах ца хьовш йолу нийсонан сурт ду.

2-Дуьнено шен марзонаш тІехьийзочу хенахъ, кху седарчиш (сийлахьчу наха) вайна дага-доуьйту: бакъйолу сийлалла – мискалехъ а, АллахІана хьалха жоп дала дезаш хилар хаарехъ а йуйла.

3-Дуьненан марзонех ларвалар: Вай дехаш ду дукха йууш-молуш, дезачу хІумнашна тІаь-хьаваьллачу заманахъ. Цара Іамадо вай сийлалла хІумнашкахъ² ца лобхуш, дикачу гІуллакхаш-кахъ лохуш хила йезаш хилар.

4-Характерий, гІиллакхий кхиор: Оцу наха шайн дегІан лаамашца (нафсаца) муха къий-сам латтийна вай дешча, вайна практически куьйгалла кардо. ХІара деккъа хабар дац, иза бакъ-долу масала ду – хьан карахъ ницкъ (власть) болуш муха нийсо латто еза а, хьобгахъ хІумма а йоцуш муха сий лардан деза а гойтуш.

5-ТІаьхьенан уьйр а, сий лардар а: Вайн орамаш а, вайн Турпалхой а бевзаш хиларо адамана синна чІагІал ло. Вай кхета – вай боккхачу некъан цхьа дакъа хиларх. Иза нийсо хьалха йаккхар ду, шен пайдане ца хьобжуш. Халонгахъ дог чІогІадар: Вайна вайн халонаш йаккхий хетачу хенахъ, вай оцу «седарчашка» хьожу. Халонаш цара муха лайна вайна гича – вайна ницкъ кхочу АллахІан кьинхетамах дог ца дилла.

Вай тахана вуьйцуш верг – оцу седарчех уггаре сирла лепаш хилла волу Абу-бакр Сьд-дийкъ (Дела реза хуьлда цунна) ву. Цуьнан дахар а, цуьнан зухІд (дуьненан марзонах ларвалар) а – вайна тахана а доккха масала ду. Иза вара нийсонан а, ийманан а седа. Цо шен дахарца вайна гайтира – муха хила веза бакъволу муьма стаг, дуьненан паччахъ хилла а, шен дегІан лаамашна тІехъ толам баьккхина волу.

Ткъа умматан уггаре коьрте седа – иза АллахІан Элча (саллаллахІу ІалайхІи ва саллам) ву. ХІара дериге седарчий цуьнан нурах нур эцна ду. Иза ца хиллехьара, уьш а хира бацар. Цуьнан беркатац хилла царех беркате-сийлахъ нах. Церан йериге сийлахъ Іамалш цуьнан нурах йу, цуьнгар схьаэцна йу, цуьнан нийсонан некъахъ цхьа лар йу. АллахІера салават а, салам а хуьлда сийлахъ Элча Мухьаммадан. Цунах лаьцна къаьстина жайна хира ду Делан пурбанца.

Кху чолхе хала заманахъ вайн умматера седарчех тасдала деза вай. Царех масал оьцуш, церан некъашца нислуш, йалсмане кхачархьам. Цундела йаздеш ду вай хІара жайнеш, вайн

¹ Биографи.

² Брендашкахъ.

умматера седарчий вайна бовзийтархьам, царех вай тардалийта, вайн иманаш нисдалийта, Ислам дин нийса муха леладан деза довзийтархьам а.

Иштта кхин д1а а жима-жима вайн умматера Седарчийн хьахош д1ахура бу вай х1ара болх Делан пурбанца.

Шовхал Сайд-Селиман клант Хъусайн
27 Рамадан 1447 хI. ш. =
16 Биекарг-бутт (март-месяц) 2026 ш.
7:08.

абу-бакр сыддийкъ

1-Абу-Бакрах сийлахь-цIе³ Сыддийкъ йаьккхира, цо Пайхамар (АллахIера салават а, салам а хуьлда цунна) дукха бакъ варна. Муъминнехан нанас⁴ Iаишата дийцина: Пайхамар (АллахIера салават а, салам а хуьлда цунна) Маккар Аль-Акьсо маьждиге буйса дIавигича, наха Iуьйран дийца даьккхира иза. Цхьаболу бусалба нах Ислам дин чуьра ара боьвлира, иза бакъ ца деш. XIунда аьлча, Маккар Аль-Акьсо маьждиге эмкалахь вахна-схьаван кIирнашкахь⁵ хан йезаш хилла⁶, ткъа Пайхамар (АллахIера салават а, салам а хуьлда цунна) цхьана буса вахна схьавеьна цигар. Иза бакъ ца дина цара, цуьнца (Пайхамарца) ийман диллина, иза бакъвина хилла болу. Цхьаболу нах Абу-Бакр волче бахар.

Цара элира: «Хьан накъост (Пайхамар) волче вохар вари хьо? Цо боху ша сийсар буса Байтул-Мукъаддасе вигнер!»

Цо элира: «Баккъалла а аьллий цо иза?»

Цара элира: «Аьлла.»

Цо элира: «Нагахь санна цо иза аьлlexь, баккъалла а иза бакълийнакх.»

Цара элира: «Ткъа ахь бакъво иза баккъалла а иза сийсар буса Байтул-Мукъаддасе вахна Iуьйре хилле цIавеьна хилар?!»

Цо элира: «Баккъалла а аса иза бакъво цуллаь (Аль-Акьсо маьждигел) генахь долчу хIу-мангахь а, аса иза бакъво Iуьйран а, суьйран а стиглара догIучу хабарехь а⁷.» Цундела цунна цIе тиллина Абу-Бакр Сыддийкъ.

2— Абу-Бакр вара нахах уггаре цIена (боьхалх) ларлуш верг джахIилиййатехь⁸. Цо шена чагIар хьарам динера Ислам-дин далле хьалха. Баккъалла а Iаишта аьлла: «Абу-Бакъра чагIар хьарам динер шен дегIан, цо иза ца мелла джахIилиййатехь а, Ислам динехь (ша волуш) а». Ткъа цуьнан бахьана дара: цкъа цхьана вехначу стагана тIех ваьллера иза, шен куьг боьхал чу Iуттуш, шен бете кхоьхуш волу. ТIаккха шен цуьнан хьожа еьча, дIадоккхура цо иза (куьг). ТIаккха Абу-Бакъра элира: «Баккъалла а кхунна (вехначу стагана) ца хаа ша хIун леладо, шен куьг боьхал чу дуьллу цо шена цуьнан хьожа йогIушехь». Эццехь хьарам дира цо шена иза (чагIар).

3— Цхьан стаг хаьттина Сыддийкъе: «ЧагIар меллий ахь джахIилиййатехь?»

Сиддийкъа элира: «Со ларло АллахIац (аса иза маларх)».

Цхьам элира цуьнга: «XIунда?»

³ 1-Титул. Почётное звание.

⁴ [2] -Iаишат Абу-бакр Сыддийкъи йоI йу, АллахIан Элчан (АллахIер салават а, салам а хуьлда цунна) хIусамнана йу. ТIкъа цуьнан хIусамнаной муъминнеха наной лоруш бу Ислам динехь.

⁵ [3] -Недели.

⁶ [4] -Маккани, масджид аль-акьсо́ни йукъахь 1254 километр йу.

⁷ [5] -Веза-Сийлахь Делера богIу хаам (Къуръан).

⁸ [6] – Ислам дин далле хилла керистаналин хан.

Цо элира: «Со вара лардеш сайн сий а, кьонахалла а, ткъа чаглар мелларг дойуш вукх шен сий а, кьонахалла а».

4— Пайхамара (АллахIера салават а, салам а хуьлда цунна) асхьабийн гуламехъ волуш, Абу-Бакр Сыддикъа элира: «Аса цIуна⁹ сужуд ца дина цкъа а. Иза дара со кхиа герга вахна волуш. Абу-Къухьафата (Абу-Бакран да) со схьалецира сан куьг, со а эцна иза вахар цIунош чохъ долчу чохъ йолче. ТIаккха цо элира: „ХIорш хьан сийлахъ-лекха дели бу“. Со цаьрца витина дIавахар иза. ЦIуношна герга вахна, аса элира: „Баккъалла а со меца ву, вузвехъа со“. Цо суна жоп ца делира. ТIаккха аса элира: „Баккъалла а со верзина ву, тIе хIума йохахъ суна“. Цо суна жоп ца делира. Аса цунна тIе тIулг туьйхира, тIаккха иза шен йуьхъ тIе охьакхийтира».

5— Абу-Бакр Сыддикъан гIан гинер иза Шéма¹⁰ латта тIехъ (махкахъ) волуш. Цо иза дийцира мелхо¹¹ Бахьйрог¹². Цо элира: «Мичар ву хьо?» Цо элира: «Маккар».

«Хьанах ву хьо?» – элира цо.

«Къурайшах», – элира цо.

«Хьо мила ву?» – элира цо.

«Совдегар»¹³, – элира цо.

«Нагахъ санна АллахIа хьан гIан бакъ дахъ, баккъалла а Цо хьан кьомах Пайхамар войи-тар ву, хьо цуьнан вазир¹⁴ хира ву иза дийна волуш, цуьнан Халийфат (паччахъ) иза велча». Абу-Бакра иза (Бахьйрос тидина гIан) къайла даьхьира шегяхъ лачкъадина (цхьаьнге ца дуьйцуш).

6— Абу-Бакр Сыддикъа Ислам-дин тIелаьцча, Маккан охIлан чIогIа холче даьллера иза. Уьш вовше дагха боьвлира, церан барт хилира Абу-Бакран тIе стаг вахийта, цо иза (Абу-Бакр) юхаверзаре кхойкхуш, юха а цо церан делийн Ибадат дарна тIе. Цара цунна ТIолхьат бин Iубай-диЛлахI ваийтира, ткъа иза веара и (Абу-Бакр) волче, иза нахан юкъахъ волуш. Цо (ТIолхьато) цуьнга мохъ туьйхира:

– ХIай Абу-Бакр, хьалагIатта сун тIе ван.

– Ахъ со мича хIуманге кхойкху? – элира Абу-Бакра.

Цо элира:

– Аса хьо кхойкху Лáтан¹⁵ а, Iуззан а Ибад даре.

– Ткъа церан нан мила ю? – элира Абу-Бакра.

– АллахIан йоIарий, – элира ТIолхьата.

– Ткъа церан нан мила ю? – элира Абу-Бакра.

ТIаккха ТIолхьат дIасецира, цуьнан ши балда меттах ца делира дош аьлла. ТIаккха Абу-Бакр ТIолхьати накъосташна тIе а вирзина элира:

– Жоп лойша шайн накъостан.

Уьш дIасецира, цара жоп ца делира. ТIаккха ТIолхьат вехха цаьрга (шен накъосташка, ша Абу-Бакран тIе ваийтина болу) хьийжира, ткъа уьш биста ца хуьлура. ТIаккха цо (ТIолхьато) шолгIа а мохъ туьйхира:

– ХьалгIатта, хIай Абу-Бакр, баккъалла а аса тоьшалла до цхьа а Дела ца хилар АллахI воцург, аса тоьшалла до Мухьаммад АллахIан Элча хилар.

⁹ [7] -Идол.

¹⁰ [8] -Сирия.

¹¹ [1] -Монах.

¹² [9] -Бахьйро, – Ислам-дин далле хилчу Насáрийн (Христиане) динехъ Iелам стаг хилла.

¹³ [10] -Купец.

¹⁴ [11] -Визирь. (Титул высшего государственного министра или советника).

¹⁵ [12] – Лáта а, Iузза а церан цIунш (идолы) дара, цара шайн дели лаьцна долу.

Тлаккха Абу-Бакр Сыддикъа иза а эсна, цуьнца вахара АллахІан Элчан тІе (АллахІер салават а, салам а хуьлда цунна).

7— Абу-бакр Сыддикъа шех лаьцна дийцина:

Со вара хиина Іаш КаІбатан уьйтІахь, ткъа Зайд бин Іамр бин Нуфайл а вара хиина Іаш. ТІех велира ибну аби-солт. Цо элира: «Іуьйренга муха ваьлла хьо, хІай диканиг локхуш верг?» Цо (Зайда) элира: «Дика ваьлла». Цо (ибн аби-солта) элира: «Ткъа кариний хьуна (цІена-бакъ-долу дин)¹⁶?» «ХІа-хІа», – элира цо (Зайда). ТІаккха цо (ибн аби-солта) элира:

«Дериг дин къемат дийнахь – Дела цхьаь веш верг доцург телхина ду».

Амма баккъалла а и Пайхамар (нах) шега хьокъуш волу¹⁷ тхокъ ву йа шух ву? Цо (Абу-бакра) элира: «Со вацар хезна кхулла хьалха Пайхамарх (нах) шега хьокъуш волу, (Дала) ваита везаш волу». ТІкъа со ара велира Варакъат бин Навфал везаш, тІкъа иза вара стигал дукх хьокъуш (Делан хьокъехь дукх ойланаш йеш), чІогІа Іамал йеш. Аса иза сацавира, тІаккха цуьнга дийцир аса хилла къамел (ван везачу Пайхамарх).

– ХІаь, хІай сан ваша, баккъалла а тхо жайнеши а, Іилмнаши а охІла ду (Іилм ду тхокъ-гахь), ладохалахь баккъалла а (наха) шега хьокъуш волу Пайхамар Іаьрбон йукъерчу (уггаре сийлахьчу) тайпанах ву – тІкъа соьгахь Іилма дара тайпнашах лаьцна¹⁸ (тайпнаш дойзуш вара со) – тІкъа хьан нах Іаьрбох йукъера (уггаре сийлахь) тайпах (Къурайшах) ду.

– ХІай ваша, хІун олу Пайхамаро? – элира аса.

– Цо олу шега (Дала) аьлларг. Делахь а зулам деш (хира) вац иза, йа шена а (наха) зулам деш хира вац иза, харцо йеш а хира вац иза.

ТІаккха Пайхамар (АллахІер салават а, салам а хуьлда цунна) (Дала) ваитича ас цуьнца иман диллира, бакъ а вира ас иза.

8— Цхьан стаг Іаишате аьлла: «Абу-бакран сурт хІоттаде¹⁹ тхуна?» Цо элира: «КІай (бос болуш) стаг вара иза, оза а, (беснеш тІер) маж йай йолуш (цуькъа йоцуш), (жиммал) букар вахна волуш, цуьнан изар ца соцура охь йоьдура гІодйукъера (оза волуш), йуьхь тІехь оза волуш (жигиг кІезиг долуш), чу бахна ши бІаьрг болуш, тІебаьлла хье болуш, пІелгаш оза долуш, – иза дукх цуьнан куц».

9— Абу-бакр йалинер Къатийлат бинт Абдил-узза, джахІилиййат зангахь. Цо (Къатийлата) вира цунна (Абу-бакран) АбдуллахІ а, Асмаь а. Иштта джахІилиййатехь цо кхиь йалинер Умма Руман бинт Іамир. Цо хьалхе Ислам дин тІелецира, Мадийнате хІижрат а дира. Цо Абу-бакран йира Іаишат а, ІабдуРрохман а.

Ислам дин деъча цо йалира Асмаь бинт Іумайс. Иза динац йолуш сийлахь зуда йара, хьалхе хІижрат динчарех а йара. Иза ДжаІфар бин Аби-ТІоблибан зуда йара. Муьта-гІазотехь иза кхелхинчул тІехь Абу-бакран йалинер иза. Цо (Асмаь) цунна Мухьаммад (цІе йолуш кІант) вира.

Иштта Абу-бакро йалира Хьабийбат бин Хбрижат. Цо Абу-бакран Умма-Кулсум (цІе йолу йол) йира иза (Абу-бакр) кхелхинчул тІехьа.

¹⁶ [13] -Зйан бин Навфал Ислам-дин далле цІена бакъдолу дин локхуш хилла. Керистан дин лелош ца хилла цо. Шен замангахь Пайхамар ван везаш вуй хууш хилла цунна. Мухьаммад хилла и ван везаш волу Пайхамар, амма Зайд Мухьаммад валле кхелхина.

¹⁷ [14] -Которого ожидают его прихода.

¹⁸ [15] -ХІара Абу-бакран къамел ду, шагахь тайпнашах лаьцна Іилма дар бохург.

¹⁹ [16] -Описывать; обрисовывать.

10— Абу-Бакр хиъна Іаш волуш Пайхамарца (АллахІан салават а, салам а хуьлда цунна), цІаьххана Абу-ЛахІабан зуда Умму-Жамийл еара, шен шина куьйгахь тІулгаш дохьуш. Цигар нахе хьежа хобттира иза шена Абу-Бакр Сыддикъ галлац, ткъа иза Пайхамарн (АллахІан салават а, салам а хуьлда цунна) уллехь хиъна Іаш вара. Делахь а, Аллаха Іа Ёаьрзе йинера иза Шен (АллахІан) Элча гарх, цунна гуш вацар Абу-Бакр бен. Цо элира: «ХІай Абу-Бакр, мичахь ву хъан накъост? Баккъалла соьга хабар кхаьчна цо со йемал²⁰ йо аьлла. ВаллахІи, суна иза карвахь, ас хІара тІулгаш цуьнан бага тухур ма ду. Амма валлахІи, со байтговзанча²¹ ма йу». Цул тІехь байташ ала йолайелира иза Пайхамар (АллахІан салават а, салам а хуьлда цунна) йемал веш. Цо элира:

Сийсаз волчун Іеса хилла тхо,
Цуьнан балхан дуьхьал доьвла тхо.
Цуьнан дин ца дезна тхуна.

Цул тІехь иза дІайахча, цец валар шена тІехь гуш долуш Абу-Бакра элира: «ХІай Алла-хІан Элча, хьун хети хьо цунна гира аьлла?» Цо элира: «Цунна со ца гира, баккъалла Аллаха Іа цуьнан Ёаьрса дІаэцнера соьхь».

11— Аишата аьлла: Хадижат йелча Ховлат бинт Хьакийма Усман бин МазІ Іунан зудчо аьллера: ХІай Аллаха Іан Элча, зуда ца йалайо ахь? Цо элира: Мила?

Хьун лаахь йоІ стаг а, хьун лаахь марехь хилларг а, – элира цо.

ЙоІ стаг мила йу? – элира цо.

Аллаха Іан халкъах хьуна уггаре дукх везачун йоІ Аиша бинт Аби-бакр.

Ткъа марехь хилларг мила йу? – элира цо.

Савдат бинт ЗамІат, хьобца иман диллина цо, хьуна тІехь а йаьзна иза, – элира цо.

Делахь гІой хьаха йе и шиъ суна, – элира цо.

Иза (тхобга) еьна Абу-бакран хІусаме чобьха йаьлча цунна карир Аишатан нана Умма-Руман, цо элира:

ХІай Умма-Руман, ма доккха дика а, беркат а чу далина хъан хІусаме Аллаха Іа. Со йаитина Аллаха Іан Элчо (АллахІер салават а, салам а хуьлда цунна) шена Аиша хьахІан.

Суна дезна (иза), собардехь Абу-бакрна, иза схьавогІуш ву хьун.

Абу-бакар схьавеара, цо элира: ХІай Абу-бакр, ма доккха дика а, беркат а чу далина хъан хІусаме Аллаха Іа. Со йаитина Аллаха Іан Элчо (АллахІер салават а, салам а хуьлда цунна) шена Аиша хьахІан.

Иза мегаш йуй цунна, цуьнан веши йоІ ма йу иза? – элира цо.

Иза йуха йахара Аллаха Іан Элча (АллахІер салават а, салам а хуьлда цунна, волче, цо цуьнга хьахира иза (Абу-бакра аьллаг).

²⁰ [17] -Порочить; высмеивать.

²¹ [18] -Поэт.

И волче йуха г1ой ахь ала цуьнга: хьо сан ваша ву Ислам-динехь тька со хьан ваша ву, тька хьан йо1 мегаш йу (йало) суна.

Абу-бакра волче йеара иза (Пайхамаро аьллаг цуьнга элира цо), т1аккха Абу-бакра элира: Хьакхайкха суна Аллах1ан Элча (Аллах1ер салават а, салам а хуьлда цунна). Иза схьавеара, цо цуьнца мах там-мах бира (суна), тька сан йалх шо дара²².

12— Божарех уггаре хьалха иман диллиналг вара иза (Абу-Бакр).

13— Къурайшах, уггаре дикох тайпанан-гергарлонаш дойзуш верг вара иза.

14— Аишата, Аллах1 реза хийла цунна, аьлла: Мух1ажарех²³ цхьане а дас Ислам дин т1е ма ца лаяцна Абу-бакран дас бен.

15— Ши вара²⁴ г1ийла дара цуьнан, изар²⁵ ца соцура цуьнан шина варан т1ехь (оза хиларн г1одйукъер охь оьхуш хилла иза цуьнан)²⁶.

16— Масих1уттуза Бусро г1ала вахна, иза йохкар-эцар лелайеш, шен бахамаш харж йеш байтина Пайхамарна а (Аллах1ера салават а, салам а хуьлда цунна), Аллах1ан некъахь а. Аллах1ан Элчо (Аллах1ера салават а, салам а хуьлда цунна) аьллера: «Цхьа а бахамо пайд ма ца бина суна, Абу-Бакаран бахамо пайда бар тера».

17— Абу-Бакар Ислам дин т1елаьцначу дийнахь цуьнгахь шовзткъа эзар²⁷ динар²⁸ дара.

18— Иамр бин Зубайро (Аллах1 реза хийла цунна) аьлла: «Х1ай Аллах1ан Элча, божарех уггаре дукха везарг мила ву хьуна?» Цо элира: «Абу-Бакар».

19— Аллах1ан Элчо (Аллах1ера салават а, салам а хуьлда цунна) аьлла: «Абу-Бакарца а, Иумарца а гамо хира йац муъмин стеган, и шиъ ца везаш хира вац мунафикъ²⁹ бен».

20— Умар аьлла: Абу-бакр вайн эла ву, вайх тоьлларг ву, вайх уггаре ч1ог1а Аллах1ан Элчан (Аллах1ер салават а, салам а хуьлда цунна) везаш верг а ву.

²² [19] -Дукх нах нийса ца кхета Аллах1ан Элчо (Аллах1ер салават а, салам а хуьлда цунна) йалх шо долуш 1аишат йалайарх. Аллах1ан Элча (Аллах1ер салават а, салам а хуьлда цунна) воккха стаг хилла шовзт1къе итт шо кхечна, «*цо муха йала йо йалх шо кхечна йо1*»? – олу наха. Цунах жоп ши аг1о йолуш ду:Хьалхарниг-Вайн хаа деза Аллах1ан Элчо (Аллах1ер салават а, салам а хуьлда цунна) ц1аллигор ц1а дийра ца хилар хьарам дерг йа эхье дерг йа ирча дерг йа озда доцург йа сийсаз дерг йа хаза доцург. Цундела, цунах а билгал долу вайн цо динарг нийса а, озда а, хаза а дерг хилар.2-Шоллаг1ниг: Шарий1атехь йо1 маре йахарн билгал йина хан йац, билгала динарг йо1 х1усамдеца йижар-г1аттар даллал кхиина хилар ду. Тька цу хена йо1 хьалхе кхуьуш хилла, тахна зудчун санна дег1 даьккхина хуьлуш хилла цу хена йо1. Аллах1ан Элчо (Аллах1ер салават а, салам а хуьлда цунна) 1аиштан йалх шо кхечча шен дола йаьккхина, амма шен х1усаме цуьнан исс шо кхечча бен схьацайалайна цо иза. Тька цу хена исс шо кхечна йо1 тахна т1къе итт шо кхечна зуда санна дег1 даьккхина хуьлуш хилла. Тька иза кхачаме дара иза марейаха цуьнан исс шо бен ца хиллехь а.

²³ [20] -Мух1ажарш, – уьш Макка йитина Ислам дин леладан пархато йолчу Мадийнате Д1а д1абахнарш бу.

²⁴ [21] -Бёдра.

²⁵ [22] -Г1ад йукъе хьарчош долу к1аде, когаш т1екхачалц дег1 хьулдархьам.

²⁶ [23] -Кху жайнан чуламца кхузахь хьахо дог1уш дацар иза, делахьаь вайг дустийтархьам цо динчу белхашни, цуьна могшални йукъахь хьахийна иза. Могашлица ца дина цо и даккхий сийлахь г1уллакхаш, делахьаь шен ийманца дина.

²⁷ [24] -40 000.

²⁸ [25] -Цхьа дийнар 4,25 грамм деши ду.

²⁹ [26] -Лицемер.

21— 1абдуллах1 бин Шакъийка аьлла: Ас элир 1аишате: Пайхамари (Аллах1ер салават а, салам а хуьлда цунна) Асхьабех Аллах1ан Элчан (Аллах1ер салават а, салам а хуьлда цунна) дукхох везаш верг мила вара? Цо элира: Абу-бакр.

Ас элира: Цулт1ехь?

Цо элира: 1умар.

Ас элира: Цулт1ехь?

Цо элира: Абу 1убайдат.

Ас элира: Цулт1ехь?

Иза йист ца хилира.

22— Аллах1ан Элча (Аллах1ер салават а, салам а хуьлда цунна) Абу-бакр аьлла: Хьо сан накъост ву хьавдан³⁰ йистехь а, хьера чохь а³¹.

23— 1алийно³² аьлла: Баккъалла а Аллах1ан Элчо (Аллах1ер салават а, салам а хуьлда цунна) Абу-бакр омра дира нахац (имамал деш) ламаз диэ аьлла, баккъалла со цигахь вара йа со цомгуш а вацара³³, ткъа тхо реза хиллакх (Абу-бакран, иза) тхан дуьнен (Халиф хиларн), Аллах1ан Элча (Аллах1ер салават а, салам а хуьлда цунна) тхан динан (ламазехь тхуна имамал дан) реза хилла волчу.

24— Аишата аьлла: Аллах1ан Элчас (Аллах1ера салават а, салам а хуьлда цунна) ша цомгуш волуш соьга элира: «Схьакхайкха суна хьайн да а, ваша а, аса кехат яздархьам³⁴ (Абу-Бакр билгал веш Халиф хила), баккъалла а со кхоьру сатуьйсучо сатийсарх (Едалн) а, олучо аларх а, ткъа дуьхьал вукх Аллах1 а, муьмин нах а Абу-Бакр воцучун».

25— Кхечу хьадийсехь деьна Аллах1ан Элчо (Аллах1ера салават а, салам а хуьлда цунна) элир аьлла: «Аллах1а лардойлакх муьмин нах Абу-Бакри хьокъехь кьовсабаларх (иза Халиф хоттарн хьокъехь)».

26— 1абдуллах1а аьлла: Аллах1ан Элча (Аллах1ера салават а, салам а хуьлда цунна) кхелхича, Ансараш элира: «Тхоьх а амир (хира ву Едалн куьйгалехь), шух (Мух1ажаршах) а амир (хира ву Едалн куьйгалехь)». 1умар веара уьш болче, цо элира: «Шу дац хууш баккъалла а Аллах1ан Элчо (Аллах1ера салават а, салам а хуьлда цунна) Абу-Бакре омра дин хилар (ламазехь имамал де аьлла), т1аккха цо нахан имамал а диний (ца хаа шуна)?! Ткъа шух мила ву дог реза хира долуш Абу-Бакран хьалха вала?!» Цара элира: «Тхо ларло Аллах1ац Абу-Бакран тхо хьалха довларх».

27— Абу-Дардаа аьлла: Абу-Бакран, 1умарн юкъахь къамел хиллера, ткъа Абу-Бакро 1умар оьг1аз вахийтинера. Т1аккха 1умар цунах д1авахнера оьг1аз вахна, ткъа Абу-Бакр цунна т1аьхьа вахнера цуьнга дехар деш, шена кьинт1ера валарца. Ткъа цо (1умаро) ца дира иза, цуьнан (Абу-Бакри) юьхьан хьалха не1 т1еч1аьг1на (чу вахар иза). Т1аккха Абу-Бакр Аллах1ан Элча (Аллах1ера салават а, салам а хуьлда цунна) волче вахар. Абу-Дардаа элира: Тхо иза (Аллах1ан

³⁰ [27] -Эхартахь Аллах1ан Элчан, Аллах1ер салават а, салам а хуьлда цунна, хира долу хи ду иза.

³¹ [28] -Абу-бакр Сиддийкъ Аллах1ан Элчац, Аллах1ер салават а, салам а хуьлда цунна, хьера чохь хилла цаьршим Маккар Мадийнате х1ижрат дечу хена.

³² [29] -Турпал 1ела.

³³ [30] -Иза ала г1ертаг: ша Аллах1ан Элчи (Аллах1ер салават а, салам а хуьлда цунна) шича волушехь ша ца хоржуш Абу-бакр хаьржира цо, цундела Абу-бакр соьлла везох а ву, Халиф хила хьакъ долуш а ву.

³⁴ [31] -И кехат йазцадира.

Элча) а волчехь дара. (Абу-Бакр схьагича тIевогIуш) АллахIан Элчо (АллахIера салават а, салам а хуьлда цунна) элира: Амма шун накъост баккъалла ийгIина ву.

Ткъа Iумар дохко ваьллера шегар даьлчунах (ша кьинтIера цавалар, neI тIечIагIарн), схь-авеъна салам делла охь хиир иза (Iумар) Пайхамар (АллахIера салават а, салам а хуьлда цунна) волче. Цо дийцира АллахIан Элче (АллахIера салават а, салам а хуьлда цунна) хилларг. АллахIан Элча (АллахIера салават а, салам а хуьлда цунна) оьгIаз вахар. ТIаккха Абу-Бакр вола-велира баъха: ВаЛлахIи, хIай АллахIан Элча, со ма вара тIехь зуламе верг (цуьнца). АллахIан Элчо (АллахIера салават а, салам а хуьлда цунна) элира: Шу дуй вуьтар волуш суна сан накъ-ост? Баккъалла аса элира, хIай нах, баккъалла со АллахIан Элча ву шун массарна ваййтина, ткъа аш элира: Харцалоь хьо. Ткъа Абу-Бакро элира: Бакълоь хьо. Цо дог ицира сан (накъост хилир иза чуна) шен дегIац а, бахамца а. Ткъа шу дуй вуьтур волуш суна сан накъост? Шозза (элира цо иза). Цунна (Абу-Бакран) лазам ца бира цултIехь.

Конец ознакомительного фрагмента.

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.